

SUFFRAGIUM

F. NICOLAI BUICO

DE SPINAZZOLA.

Excellentissimis, & Reverendissimis Patribus

SACRI THEOLOGORUM COLLEGII

Proponuntur rationes, & argumenta, quibus, nedum valida ostenduntur duo Matrimonia a Viro Dei PYRAUSTA contracta, sed etiam demonstratur eundem illis duobus prudentissime se gessisse, & heroicam in virtute prudentie attigisse.

PRO quo nihil duxi præmittendum, per quod animos vestros reddam benevolos, dociles, & attentos; quoniam de primo mihi non dubitandum; cum pluries, & pluries de vestra in me benevolentia non obscura fenserim testimonio; frustra quoque moram traherem in secundo; nam res, de qua agitur ob suam gravissimum, & singulare, omnium fere Christiani Orbis implevit; de tertio esset aliquid suspicandum, qua tenue, & imbecille meum agnosco, non qua amplum, atque profundum vestrae humanitatis intueor; cui fretus attentionem omnem præstandam mihi polliceor, præsertim, cum meum ineptum sit brevitate pensandum.

Igitur quocumque eloquentiæ telo discinctus primam partem aggredior de validitate Matrimonii utriusque a Pyrausta contracti; & spondeo in resolvendo me nunquam recessurum a verbis, & circumstantiis, ut in proposito dubio scripta sunt, & significant.

Id primo conatu fideliter præsto; nam ad verbum transcripsi partem hanc, quæ in narratione, seu propositione dubii sic est: *Sociam sibi querere cogitavit, talem quidem, uti discitabat, cum qua si possibile afforet, vivere liceret in casto, & virginali consubio ad instar S. Patriarchæ Joseph cum Sanctissima Sponsa Virgine Deipara &c.*

Expendo nunc conditionalem illam (si possibile afforet) & tanti ponderis eam adverto, ut mihi sit via planissima ad ostendendum in Pyrausta potuisse conciliari totam substantiam, vel essentiam Matrimonii non seclusa aliqua voluntate formali ad copulam conjugalem simul cum proposito virginitatis perpetuæ. Id exemplo mercatoris periculosa tempestate jactati demonstro; hic enim esse intendere principaliter a jactu suas merces eripere; tamen, quia cum hac intentione conjungit conditionem hanc (si hoc erit possibile); ideo cum intentione absoluta salvandi merces voluntatem quoque conditionatam adnectit; qua, si urgeat, impellatque discrimina vitæ, atque naufragii, vult quoque conditionate projicere merces suas. Pyrausta noluit in utroque conjugio hanc conditionem appositam, & expressit (si possibile afforet); & hoc possibile, nedum sonat possibile physicum in voluntate, quæ carere po-

luit actu imperante, & applicante potentias sensivas ad actum copulæ, sed etiam morale possibile, quod primo includit: si Deus illa auxilia, quæ aliis vicibus in conflictibus contra Venerea largè præstitit, nunc quoque præstabit; si gravissimæ tentationes, quibus gratia par non esset, non pulsabant; si suis Conjugibus debitum non petitoris, nec voce, nec signo, vel saltem merore aliquo, & virginitatem viri, & suam æquo animo toleraretur; si ipsæ Conjuges promissis, precibus, & documentis sint adducendæ, ut matrimoniam voluptatem hilariter fugiant, imo abhorreant, veluti factum est a Nereo, & Achilleo cum Domitilla jam desponsata; sane his, aliisque conditionibus sublati habuit Pyrausta voluntatem conditionatam ad copulam. Hinc fit, ut etiam si ad essentiam matrimonii requiratur voluntas formalis ad copulam, jam in duobus Pyrausta conjugis, in quibus voluntatem servandi virginitatem perpetuam modificavit illa conditione (si possibile afforet) repetita est etiam voluntas formalis, conditionata tamen ad copulam.

Ad id evincendum, & manifestum declarandum, Scoti doctrinam in 4. d. 30. q. 2. C. erutam ex c. Commissum de Sponsalibus in medium asserere non pigeat. Docet igitur Scotus juxta Canonem allegatum in contractu matrimonii mutuam esse traditionem corporum ad copulam carnalem cum conditione saltem implicita, si petatur. Hinc fit contrahentes cum proposito statim vovendi castitatem vere contrahere, & conditionem hanc de copulæ voto castitatis voto non præjudicare, posito etiam contractu matrimonii, nisi illa, idest copula in effectu ponatur. Per hanc doctrinam, fere ad verbum, ex cit. capite hautam salvat Scotus inter B. Virginem, & D. Joseph verum Matrimonium extitisse absque copulæ actuali; quia esto Maria Virgo voverat castitatem, tamen sibi fuerat revelatum non committendam fore cum Joseph; & simul habere potuit intentionem copulæ implicitam, atque conditionatam, si, scilicet, petatur. Conditionalis allata solum per collectionem, & opinando a Scoto, alisque Doctoribus in Matrimonio Deiparæ est asserta; cum nusquam in S. Textu habeatur expressa. At noster Pyrausta expressit satis superque voluntatem conditio-

nam in copulam, dum dixit, & protestatus est se victurum in castitate cum nova nupta, si possibile afforet; quod inferri possibilitate sublata se descensurum in copulam.

Solidatur id magis per factum, quod narratur in c. Commissum de Sponsalibus, de quodam, qui cum juramento promiserat matrimonium, & postea hic ductus Spiritu altiori in Religionem voluit commigrare. De hoc viro legitur statum ibidem, ut prius contraheret matrimonium, deinde in Religionem ingrederetur. Reor contrahentem hunc vix habuisse voluntatem conditionalem, & remotissimam ad copulam, quia per ingressum ad Religionem imminet illa sibi præcludebatur omnino. Quo tamen nihil obstante, ob reverentiam juramenti, quo se obligaverat ad matrimonium, coactus est prius contrahere matrimonium, quam Religionem ingrederetur.

In hoc facto debet esse certissimum, Matrimonium illud iustum contrahi ab Ecclesia non fuisse invalidum, sed verum, legitimum, & etiam Sacramentum; at in eo alia voluntas conditionalis virtualis, vel implicita excogitari non potest, quam illa, quam remotissimam dixi, puta si contrahens ille post initum matrimonium revocasset propositum ingrediendi Religionem: tunc tenuitate intentionis hujus ad copulam nihil obstante validum, & verum fuit matrimonium, aliter Ecclesia præcepisset fieri aliquod invalidum, & Sacramentum prorsus injuriosum.

Fuit responsum ad hoc ineluctabile argumentum per juramentum matrimonium illud, alioquin invalidum ex sui natura, redditum fuisse validum.

Sed quis unquam audivit doctrinam huic similem? Juramentum hoc desert, ut ea, quæ dicuntur, vel promittuntur, si vera sunt, legitimeque promissa, magis sumentur in veritate, & tutiora reddantur; nunquam vero juramentum virtutem hanc habet, ut contractum aliquid ex se invalidum traducat ad validum. Hoc patet in contractibus quibuscumque juratis; præsertim in illo donationis, quæ fit ab impuberi; hæc enim esto jurata, tamen a jure rescinditur. Item si quis duo iniret sponsalia, & prima non essent jurata, secunda vero cum juramento, in casu hoc Jura, Doctoresque definiunt standum esse prioribus sponsalibus non juratis. En quomodo juramentum roborat quidem, firmatque contractum, non vero de invalido potest validum reddere. Ex infirmitate igitur mox confutata responsionis evidentiissimum fit quæti roboris sit argumentum ex cap. commissum de sponsalibus de promptum.

Patet etiam quantum illud faveat nostro invito Pyrausta; nam duo Matrimonia Pyraustana esto præcesserit propositum continentia, tamen præcessit quoque conditionalis illa (si possibile afforet) in qua includitur voluntas aliqua saltem virtualis ad copulam.

Hæc voluntas virtualis, vel implicita satis est ad matrimonii substantiam, & essentiam; & id, nedum Scotus asseverat, innumerique cum eo Doctores, sed præ cæteris D. Thom. in 4. dist. 30. q. 1. art. 2., quæstion. 2. ubi docet *Beatam Virginem implicite in copulam consensisse, at copulam nunquam fuisse in proposito, erat enim Maria a Deo facta certior copulam nunquam subsecuturam.*

Præterea valde notandum illos, qui contrahunt cum intentione determinata ingrediendi Religionem, & sic exequuntur, vere, legitimeque contrahere matrimonium, & tamen isti nullam habent intentionem actualem ad copulam, imo habent actualem contrariam. Isti ergo intantum valide contrahunt, quia per Matrimonium contra-

xerunt obligationem ad copulam; & si tales contrahentes privilegio dispensationis divina non utantur, tenentur exequi id, ad quod per matrimonium se obligarunt: fieri namque potest, ut quando contrahunt, mutent voluntatem, qua voluerunt Religionem; & tunc tenebantur reddere debitum, & copulam exercere: hæc vero ad copulam obligatio ortum duxit ex Matrimonio. Quocirca sit evidens contrahentem cum intentione ad Religionem, habere intentionem implicitam ad copulam eandem. Hanc quoque intentionem habent, qui se steriles esse norunt, & virtute talis intentionis valide contrahunt matrimonia. Noster vero Pyrausta ponendo conditionem illam (si possibile afforet) apertius visus est copulam voluisse, nam possibilitatis conditione sublata ad copulam descendisset.

Moneo nunc negantes validum in matrimoniis Pyraustanis prætextu propositi de virginitate servanda demoliri etiam, & fortius Matrimonium Josephi cum Deipara; in hoc enim quoque præcessit votum Hebræis puellis insolitum de Virginitate servanda; & tamen duce Magistro Sententiarum in 4. Sentent. Theologi omnes docent fuisse verissimum Matrimonium; prius etiam hoc idem docuerat Augustinus, qui in c. Beata Maria relatus dicit: *inter Mariam, & Joseph fuisse consensum cohabitandi, & individuum vite consuetudinem retinendi, & eos vere conjuges existisse.* Hoc idem habetur ex cap. omnis itaque 27. q. 2. Denique Gabriel Angelus restatus est, dum dixit Joseph: *Noli timere accipere Mariam Conjugem suam.* Est autem contra usum communem loquendi eos conjuges nuncupare, qui matrimonium de presenti non contraxerunt; conjugium namque ab unitate jugi, & vitæ maris, & femine est derivatum. Merito dixi negantes validitatem in Pyrausta conjugis fortius demoliri conjugium Mariæ cum Joseph; quia Matrimonium plus videtur repugnare cum voto virginitatis perpetuæ, quam cum simplici ejusdem proposito; & Pyrausta non votum, sed propositum simplex de virginitate servanda in suis conjugis solum præmitit.

Magis, magisque validatur Scoti, & D. Tho. Sentent. per id, quod habetur ex de verborum significat. c. exiit, & est hodie in 6. lib. ubi dicitur sententialiter, retento dominio concedere aliis usum non est inutile, quia usus ille necessarius est utentibus. Per hanc doctrinam evincitur saltem dominium, & usum separabilia esse inter se; dixi (saltem); nam ut Scotus monet, licet possit retineri dominium usu traslato; tamen non videtur magis fieri posse, ut transferatur dominium usu solo retento, & hoc accideret in matrimoniis Pyraustanis; in quibus Pyrausta per matrimonia transfudit dominium sui corporis in suas Conjuges, & retinuit sibi usum per propositum virginitatis servandæ; docet ergo Scotus per allatum Canonem solum evinci alicui posse competere usum illorum, non vero alterum; At quod possit retineri usus traslato dominio probatur per illud c. commissum de sponsalibus; ubi præcipitur illi, qui sponsalia jurata contraxerit, & postea votum, vel propositum emiserit ingrediendi Religionem, ut prius contraheret matrimonium, & postea Religionem ingrederetur. In hoc facto clarissime apparet traslatum fuisse dominium sui corporis per matrimonium, & usum fuisse retentum per votum, sive propositum.

Addit Scotus adulteram, quæ habet potestatem in corpus legitimi conjugis; quia illa data fuit sibi per Matrimonium, & indefectibiliter: tamen non habet, nec potest habere usum corporis illius propter peccatum suum. Sed hoc quoque pro-

locasse; quod si evenisset adhuc Pyrausta castimonia non lassisset, sed magis heroicam reddidisset, quia plus collato pede cum hoste certasset.

Quidquid sit de hac re, siue unus, vel alter modus cubandi dicatur, semper heroicum in Pyraustana prudentia, & castimonia demonstratur; nam semper novo genere pugnandi contra incontinentiam Pyrausta pugnavit, etenim extra thalamum cubando iuxta illam cubabat, & sic quoque proximum habuit motivum violandi factum de castitate propositum.

Augur heroicum in prudentia & castimonia Pyraustana per adversitates quas maximas passus est a parentibus puellarum, quae sibi nupserunt; & per id sua quoque fortitudo, & constantia erigit ad heroicum, nam iniuriis, contumeliis impetratis, omnia aequanimiter tolleravit, & respondendo semper modeste, promissis etiam etiam conabatur feroces animos emollire; per quae patientiae, & modestiae in virtutibus demonstravit heroicum.

Sed praeter ceteris in castimonia Pyraustana fulget heroicum, ex sine, ob quem ad ineunda conjugia motus fuit hic bellator, & milles egregius. Ideo illa duo contraxit, ut bis, non semel Sanctum Joseph imitaretur; & per hoc Pyraustae prudentia transit ad Christianum heroicum, nam et hoc prudentia pro sine immediato respexit Matrimonium Mariae cum Joseph; tamen ad Christum & Deum ultimatē tendit; cum qui vis advertat ex matrimonio illo Deiparae Christum Deum, & hominem resultasse vices Josephi Spiritu Sancto supplente. Heroes alii in Christiano Caelo fulgentes inveniunt quidem conjugia, in quibus castitatis proposito, vel voto quoque se obstrinxerunt; sed solus Pyrausta fuit ille, qui hanc supereminente conditionem adiecit; solus Pyrausta cum proposito, non cum voto se illigavit; & hoc, quia nihil faciente libertate transgrediendi impune propositum, dum non est transgressus, beatitudinem promissam Ecclesiastici 31. ei, qui potuit transgredi, & non est transgressus, sibi sortitus, & gloriose vindicavit.

Elucet etiam heroicum Pyraustae prudentiae, quia non se incernem, sed pluribus vallarum experimentis, in quibus advertit nunquam sibi Divina auxilia defuisse, se dedit tanto certamini; & rursus, quia non adolescentiae aetate in deteriora incitante, sed senili gravitate aggressus est duo conjugia, & in utroque tenacissimus fuit sui fidei propositi, ut comprobavit eventus.

Hoc opus insignis Pyraustae fuit hominis quidem fidelis; fuit multiplex, quia in multiplici virtutum materia; fuit quoque supra aliorum communem operandi modum: fuit etiam, ob finem supernaturalem, & ideo ex his quae dixi, multa habet, quae Christianum heroicum integrant, vel constituunt. Sed unum, videtur deficere; & illud unum est, ut tale opus sit ex Divino dono procedens; & ideo, ut hoc probem:

Admoneo in homine de divinis auxiliis, & donis sibi aequaliter in existentibus nullam dari posse certitudinem, quae sit vel fidei, vel scientiae; quo tamen nihil obstante potest de iisdem certitudo aliqua moralis haberi; ex quidem si sit prudentia Christiana communis, huius in Pyraustae signa sunt evidenter; nam prompte, faciliter, ac delectabiliter ad finem debitum & supernaturalem motivo direxit media singularia consultando de illis, iudicando, atque praecipiendo iuxta legem, seu moralem scientiam; & totum patet eum executum fuisse ex propositione dubii, secundum quam resolve difficultatem; in ea enim habetur

Pyraustam a Deo fuisse praeventum; & rursus dicitur fuisse amore, fide, & pietate maxima erga Deum. Cum vero contraxit conjugia de eo dicitur: (prudenter perpendens non esse bonum hominem esse solum); per quod satis ostenditur ex motivo revelato in Sac. Scriptura, & supernaturali eum ad matrimonia processisse. Alia quoque exprimitur ibidem, per quae indicatur Pyraustam, semper ad Deum, & Divina auxilia respexisse; atque ideo indubium est Pyraustam ex illuminatione supernaturali operatum fuisse; ita ut plenissime adimpleverit illud Apost. ad Coloss. 3. Omne quodcumque feceritis in verbo, aut in opere, omnia in nomine Domini Jesu Christi facite, & ecce in Pyrausta extitit prudentia Christiana.

Nunc in hac Prudentia Christiana signa heroici sunt assignanda; huius signa a me duo statuntur. Primum est consulere, iudicare, praecipere materiam virtutis, quae in difficultate multum superet, excedatque communem, & ecce noster Pyrausta conjungendo cum proposito castitatis bina conjugia difficillima, & fere intentam anteaggressus est materiam castitatis: rursus imitatio Matrimonii Divi Joseph cum Spona Deipara fuit finis nimis distans in altitudine, & singularia finibus proximis aliorum hominum, qui in castitate vixerunt.

Alterum signum heroici, quem tradunt aliqui, est ut prudentia Christiana attingat heroicam, superetque communem, aliam promptitudinem, & facilitatem in consultando, iudicando, atque praecipiendo habere non potest, quam ut statim absque longo discursu diceret quid in aliquo agendorum, siue monastico, siue aeconomico, siue politico ordine sit agendum, utendo mediis efficacioribus, & potioribus; & id debet ducere ortum primo ex dono scientiae, quo agibilia moralia certo sciuntur: secundo ex dono consilii, quo singulare, ut illis conforme dicatur, & ex Dei instinctu procedit.

Totum hoc probat heroica Christi prudentia; hic enim cogitatu non indigebat in operatione quarumcumque virtutum, & ideo Luc. 2. habetur: Mirabantur super prudentia, & responsis eius: probant eadem istud idem ex illo Matth. 10. Nolite cogitare quomodo, aut quid loquamini. Et denique probant evidentissimis exemplis veteris Testamenti; nam Joseph ille filius Jacob sine ulla mora interpretatus est somnia Pharaonis; & sic quoque Daniel celeriter explicavit tot obscurissima, quae in suo libro narrantur. Omitto Moysen, Josue, Gedeonem, Sampsonem, Saulem, & David; nam etiam Balaam ethnico, dicitur Dominus occurrisse, & tali occurrere illa mirabilia prophetavit.

Quod maxime facit ad rem presentem, in novo Testamento aptissimum est exemplum de Beatissima Virgine, quae ut communiter defenditur, & tenetur, voto Virginitatis adstricta contraxit matrimonium, quod consummatura non erat. Certum est eam vi humani discursus confutare non potuisse, nisi ex Dei dono scientiae, & instinctu quoque divinae ad illum consensum fuisset adducta. Sic deinde solum freti Divinis illapibus, & auxiliis nulla praevia mora, vel studio operati sunt Apostoli, & tot agmina Martyrum, atque Sanctorum. At hic modus operandi celerime sine studio, humanoque labore proculdubio existimandus est in nostro Pyrausta; nam hic puer pascendis gregibus, adolescens deputatus est agriculturae; & quomodo ovibus additus, & terrae intellectum suum potuisset erigere ad culmen tantae prudentiae, ut firmissime sciret non repugnare matrimonio cum virginitatis proposito, nisi Spiritu

tu affante divino fuisset edoctus; imo puto eodem Spiritu illuminante, & erudiente forsitan scivisse in hac conjunctione castitatis cum matrimonio futuros quosdam, qui illum non approbarent; & ideo non votum emisit, sed fecit propositum non absolutum, sed conditione restrictum; ut sic sui hostes facilius confutarentur.

Denique per haec, quae dixi, nedom in Pyrausta probatur heroicum in prudentia, sed etiam heroicum in castitate; quia quale est dictamen prudentiae, talis etiam est actus, vel habitus sequens, si tali dictamini est conformis. Quare si prudentia Pyraustana fuit heroica, castitas quoque conformata illi dictamini fuit heroica.

Per istud idem Christianum heroicum resellitur etiam quidquid de imprudentia, & de peccandi periculo in Pyrausta Adversarii cavillantur; nam si heroicum tunc est in virtute, cum operans aggredditur objectum in altitudine nimis distans a virtutis communis objecto, vel protinus sine ulla mora consilii ex Dei speciali instinctu ad idem tendit objectum; quomodo in Pyrausta imprudentia aliqua nota fingenda est ex hoc capite, quia scilicet aggressus est objectum adeo superexcellens a nullo fere, aut paucissimis ante tentatum, conjugere scilicet cum castitate conjugium? aliter si ex capite magnae difficultatis debuisset a proposito suo desistere, tunc, quia in heroico attingendo semper maxima est difficultas, a nullo, & nunquam tentandum esset heroicum contra duo praedicata a Christo consilia: *Estote perfecti sicut etc.* & *Luca 6. Estote misericordes sicut etc.* Et quomodo consultationis defectu statuenda est imprudentia in Pyrausta, si heroicum, ut dixi, debet repente a Deo procedere sine ulla mora consilii?

Et si dicatur ideo Pyraustam debuisset hoc superarduum dimittere intentatum, quia certus non erat ex aliqua revelatione divina Deum esse, qui ad tantum opus impelleret: pariter de divina illuminatione, & inspiratione erat incertus.

At esto multi Heroes in Sacra Scriptura narrantur impulsu a divina revelatione ad molliendum heroicum; tamen multi sunt etiam, qui solo interno Dei spiritu urgente ad heroicum se contulerunt; & tamen isti nulla certitudine fidei, vel scientiae certi erant se a Spiritu Dei fuisse permotos ad aggreddendum heroicum: aequae neutram certitudinem habuere de motione interna an esset Dei auxilium, vel diabolica intigatio; cum

prima Jo. c. 4. sic habeatur: *Nolite omni spiritui credere, sed probate spiritus, si ex Deo sint; quoniam multi pseudoprophetae exierunt in Mundum.* Quo tamen nihil obstante intrepide heroicum sunt aggressi. Imo nec qui per revelationem externam ad heroicum sunt incitati, aliquam certitudinem, vel fidei, vel scientiae habuerunt, quae certi essent revelationem illam esse Divinam, non vero a Diabolo fuisse confictam; ait enim Apost. 2. Cor. c. 11. *Ipse Satanas se transfiguravit in Angelum lucis; & id facit Satanas, ut postea tali larva deceptis sua mendacia pro Divinis revelationibus valeat facilius venditare.* Et revera Deus sic permittente non pauci per huiusmodi revelationes, & instigationes factas a Satana, & immissas miserabiliter decepti sunt, & habitus in ludibrio.

Inter innumera exemplum magnum est illud Polycronii Sacerdotis, & Monachi Monothelitarum, qui suam dementiam clare nimis aperuit in Synodo Sexta; cum enim Daemon ei per ostenta fallissima illuseret, tentavit mortuum facere redivivum ad veritatem sectae suae firmandam. Cum ventum esset ad opus coram magno populo, & multis Patribus Sancti Concilii, in aures cadaveris quandam chartam immisit, & in eisdem infusuravit pluries pluriesque; sed tandem factus est a se mortuum excitari non posse; & sic ex mirabili heroe reddidit se ridiculum.

Inde fit, ut objectum, finis, & circumstantiae actus sint illa, quae valeant moralem tantum parere certitudinem de vero, atque sincero revelationum Dei, & divinorum auxiliorum. His adduntur securitas, perturbationum absentia, dulcedo quadam, hilaritas ingens, & inopia; & tandem feliciter securus eventus; & ultimum hoc, quod certissimum est in Pyrausta, demonstrat priora, & similia alia in suo aggreffu non defuisse. Nescio me argumenta plurima omisisse, non neglexisse, quia illa latius, & nimis discrete promovit Auditor exhibiti mihi libelli; quaedam etiam addiderunt Patres octo facultatis Parisiensis Theologi. Haec, & illa approbo, veneror, & admirror.

Sic resolvebam

Frater Nicolaus Buico de Spinazzola stans pro Scoti Doctrina, & in Universitate Patavina Theologus primarius.

SUFFRAGIUM THEOLOGICUM.

TAmetsi in ea facti specie, quae Sac. Theolog. Patav. Collegio proposita est, istud unum potissime queritur: An scilicet Vir religiosus, Pyrausta dictus, prope sexagenarius male se gesserit, & an potius heroicae virtutis actus exereverit duo illa ineundo sibi succedentia connubia, & quidem proposito, ut virginitatem egregie hactenus custoditam in matrimonio quoque servaret, quam reapse terrevit; Serry Tam, VI.

tamen cum alia nonnulla sint intermixta, quae nisi prius expendantur, ambigua fortasse, & non satis expedita fuerit ad questionem responso: opere pretium nos facturos putamus, si haec ipsa breviter in antecessum expendimus, ut facilius inde, atque certius hac de re iudicium proferratur.

Tria itaque animadvertenda ducimus. Primum quidem recte distinguemus & initiorum Connubiorum